

皇朝通典卷五十二

禮

嘉二

御門聽政

臣

等謹按

國初定制每日聽政必

御正門九卿科道各員齊集啟奏以爲常典至雍正初始

御門之制凡部院折本下內閣者積如千件始得

旨舉行其儀至爲整肅至每日

召見大臣

引對庶僚咨詢政治披閱章奏皆
臨御內殿寒暑無閒仰見

列聖相承敕幾凝績宵旰勤求有
國史所不能盡書者茲恭纂

御門典禮爲一篇列於常朝之前

順治二年定每日奏事吏戶禮兵工列於常朝之
奏刑部常列三班並令翰林科道同每日奏事吏
侍班記注

康熙六年七月

聖祖仁皇帝親政行慶賀禮畢

御乾清門聽政嗣後日以爲常十三年令各部院漢司官

照滿司官例隨堂官入奏十八年九月

諭大學士等朕每日聽政一切折出票簽應商酌者皆國

家切要政務得失所係今後起居注官除照常記注外

遇有折本啟奏俱令侍班記注二十一年九月

諭朕御朝太早各官於三四鼓趨赴朝會殊爲勞瘁自今

以後朕每日御朝聽政春夏以辰初初刻秋冬以辰正

初刻爲期啟奏各官從容入奏九卿詹事科道原係會議官員仍每日於啟奏時齊集午門如有年力衰邁及偶患疾病俱向本衙門說明免其入奏齊集此外各衙門及部院司屬官員俱停其每日齊集著各赴本衙門辦事每月常朝仍應照舊行二十三年五月

諭御史衛執蒲奏請御門聽政或以五日或以二三日爲期其意蓋欲君臣之間政事餘暇稍得休息也朕躬親庶政宵旰弗遑念致治之道務在精勤勵始圖終勿宜有閒二十餘年以來於凡用人行政事無巨細罔不殫

心籌畫早夜孜孜有如一且怒不怒若察姪而

郊

廟禋享必躬執事閒有不親詣之時皆甚非得已至於內

殿齋居幾微悉謹左右誓御咸所稔知在朕未明求衣
辨色視朝日與大小臣工率作省成用熙庶績近念爾
諸臣奏事勞苦少展御門晷刻俾得從容入奏非圖便
安邇年海宇敕寧政事漸簡頃復諭部院事務應得歸
併者酌量合奏期於簡要清省從此民生日康刑清政
肅部院章奏當不期省而自省若必豫定三日五日以

爲奏事常期非朕始終勵精之意也二十四年五月九

卿議言大朝之期

皇上視朝最早回宮進講後仍

御門聽政恐

聖躬太勞今四海昇平政事簡少請以後大朝之期及大

雨雪俱停止啟奏得

旨朕御極以來孜孜圖治罔有暇逸惟期裨益國家乂安
兆庶用臻上理非不自知其勞但念庶政叢集一日萬
幾若從所請未免始勤終怠且恐不及詳察致有疏畧

舛錯於政事得失所關非細自後大朝之期一切章奏
交送內閣遇大雨雪臨時請旨其祁寒盛暑之時各部
院果無應奏事宜方許暫止啟奏朕始終不欲一念倦
怠晏安自便也二十九年十月給事中何金蘭疏請酌
定

御門之期或三日或五日事應面奏者仍面奏請

旨至尋常奏章俱交內閣照例送進

諭曰朕惟致治務在精勤久道期於無斁朕躬親庶政早
夜孜孜靡敢暇逸冀與大小臣工共圖熙績據奏用人

行政條例具舉尋常奏章日煩臨御臣誼難安請酌定御門之期等語朕三十年來每晨聽政面見諸臣咨詢得失習以爲常今若行更改非勵精求治初終罔閒之道且與諸臣接見稍疏朕衷亦深眷念此奏不准行三

十二年十二月

諭曰朕觀近日政務簡少每日啟奏部院大臣中有年邁者甚屬勞苦自後年逾六旬以外大臣令其量力閒二三日一來啟奏至折本內遇緊要事朕有旨傳進爾等方來請旨若無朕旨爾部將折本彙齊亦閒二三日一

來啟奏尋大學士等奏言

皇上宵旰勤勞勵精圖治天下已享太平政務亦極清簡
臣等敢請每日奏章交送內閣

皇上隔三四日御門一次聽理引見人員與綠頭牌啟奏
諸事似於政事亦不致有悞

諭曰朕聽政三十餘年已成常規不日日御門理事即覺
不安若隔三四日恐漸致倦怠不能始終如一矣此乾
清門乃朕宮中亦有何勞但念年老大臣黎明從家中
入奏甚爲勞苦故有此諭朕仍照常每日聽政

雍正元年四月總理事務王大臣等奏請

世宗憲皇帝御門聽政得

旨

皇考梓宮尙在享殿安奉朕今卽臨御正門理事心實不忍應俟奉安

地宮之後舉行諸王大臣復援典禮懇請再三乃允之二
年定吏部奏事在各部院衙門之後三年定聽政
日於翰林院編修檢討內按俸以四人侍班班在
科道之上七年十二月

諭內閣十五日御門辦事奏事大臣及引見官員等俱著用補服嗣後朕臨御前殿照常用朝服至御門理事祇用補服遇應服蟒袍之日亦著補服蟒袍永著爲例

乾隆元年十一月三日御門聽政先是雍正十三年十二月

諭曰據禮部奏請初十日御門辦事朕查雍正元年四月閒諸王大臣奏請御門聽政
皇考聖意欲俟

山陵禮成之後經王大臣再三懇請始降

皇朝通典 卷五十二
旨允行計已五閱月矣今百日甫過朕卽臨御正門理事
心實不安朕受

皇考付託之重所有國家政務在便殿隨時辦理不敢略
有曠廢其御門之典俟明春再行請旨至是年二月
復奉

諭曰禮部奏請二月十三日御門聽政朕思百日之後
雖閱兩月但

皇考梓宮現在雍和宮朕卽御門聽政心實不忍可俟
梓宮奉移

山陵後再行請旨十月

世宗憲皇帝山陵禮成至是月

皇上始御門理事如儀二年六月

御門聽政

諭曰連日仰蒙

上天降賜甘霖衆心感慶朕今日御門聽政復值澍雨再

降更爲優渥念諸臣衣服未免霑濕大臣等著賞紗

二匹凡陪奏侍班引見執事官員及侍衛等俱著賞

紗一匹十一月

諭曰向來御門聽政大學士等俱不設氈墊惟圓明園

奉

皇考特旨鋪設而乾清門尙仍其舊原定制之意蓋以君

尊臣卑豫防專擅之漸然亦不係乎此況古有三公

坐論之禮大學士等皆年老大臣當此嚴寒就地長

跪朕心特切軫念嗣後著鋪氈墊以示優禮至意又

諭曰朕御門聽政之時翰林院修撰編檢與科道一同

侍班翰林班次在科道之上科道懸帶數珠而翰林

未有定制朕思侍從之臣理應畫一嗣後修撰編檢

亦著一體懸帶數珠以肅朝儀凡

御門聽政儀具

大清通禮

常朝

臣等謹按杜典以朔望朝參及常朝附入元正冬

至受賀之內伏考我

朝定制以每月五日十五日二十五日爲常朝之期

先期鴻臚寺奏請

御殿王公百官應謝

恩者及外國陪臣以次行禮若不

御殿則王公列坐於

太和門外百官列坐於

午門外糾儀官察其失儀者移時乃退常朝之外八

旗官員則於月朔及十日二十日坐班左右翼王

公分日坐班上三旗領侍衛大臣侍衛等每日坐

班蓋卽唐時朔望朝參之意茲立常朝一門彙著

於篇與

御門聽政並彰鉅典焉